

中華郵政總局特准掛號認爲新聞紙類

中華民國十年九月十三日出版

京北公報

第一百八十二期

星期二

京兆公報第一百八十二期目錄

命令

大總統令 本公署令

各部院公牘

平政院呈 大總統審理民人張仲權等陳訴香河縣提用水坑辦學

京兆尹公署決定違法一案依法裁決該公署之決定應予維持文

(附裁決書)

本公署公牘

呈大總統為籌辦京兆各項事務暨巡視各縣政治情形呈祈鈞鑒文

訓令 二十縣知事 准教育部咨北京體育學校第一班生畢業請飭各直轄各學校

校聘用合行印發原單令仰查照文(附名單)

訓令第二中學校據視學員張鶴浦報告查視該校情形鈔發報告令

仰遵照認真整頓文

訓令本公署模範小學校據視學員張鶴浦報告查視該校情形鈔發

報告令仰遵照認真整頓文

訓令本公署模範女學校據視學員張鶴浦報告查視該校情形鈔發

報告令仰遵照認真整頓文

訓令 二十縣知事 前准教育部咨捐資興學優獎條例原為熱心教育京兆視學員

者而設合將續編統計表令發以樹風聲而資觀感文(附原表)

批劉維楨等呈一件 批理空呈一件 批李德存等呈一件

批維成儒呈一件 批于安呈一件 批陳王氏呈一件

批田永隆呈一件 批李培因等呈一件 批徐義臣呈一件

批德全呈一件 批徐尙氏呈一件 批石毓瑛呈一件

批楊裕榮等呈一件 批奕紹敏等呈一件 批薄楊氏呈一件

批馬鎮疆等呈一件 批劉景春呈一件 批張玉寶等呈一件

批武樹棠呈一件 批郭雲卿等呈一件 批李禮明呈一件

批韓潔漢等呈一件 批高志學等呈一件 批高雲程等呈一件

批周景明呈一件 批王廣瑞呈一件 批李倫呈一件

批石玉瑞呈一件 批劉俊堂等呈一件 批郝聘之呈一件

命 令

大總統令 八月九日

兩湖巡閱使湖北督軍王占元呈請辭職王占元准免本兼各職此令

大總統令 八月九日

特任吳佩孚爲兩湖巡閱使此令

大總統令 八月九日

特任蕭耀南爲湖北督軍此令

大總統令 八月九日

特派孫傳芳爲長江上游總司令此令

大總統令 八月十二日

特派趙憲章爲黑龍江查勘煙禁大員吳本植爲綏遠查勘煙禁大員此令

大總統令 八月十二日

特任蔣拯署海軍總司令此令

大總統令 八月十二日

任命熊埴署河南河北道道尹此令

大總統令 八月十三日

命 令

據山東督軍兼省長田中玉電呈魯省七月間霪雨爲災黃河暴漲利津壽張等處堤埝沖決濰澤鄆城鉅野等縣村莊淹沒請立施恩澤俾拯流亡等語該省災區甚廣待振情殷軫念嗷鴻殊深憫惻著財政部迅即撥銀貳萬元交該兼省長遴派委員分赴災區核實散放以惠窮黎此令

大總統令 八月十三日

任命馬德潤兼司法官懲戒委員會委員此令

大總統令 八月十三日

任命汪學謙爲直隸馬蘭鎮總兵此令

大總統令 八月十四日

任命刁作謙爲駐古巴國特命全權公使此令

大總統令 八月十七日

據內務總長齊耀珊呈准河南全省振務處張鳳臺等函汲縣境內連日大雨山洪暴發被災各村悉成澤國場倒房屋淹斃人畜請予撥款振卹等語該縣迭遭災患殊深憫惻著財政部迅速撥銀一萬元交由該省長遴派委員馳往核實散放以惠災黎此令

大總統令 八月十七日

據內務總長齊耀珊呈准安徽督軍張文生電稱皖省連日大雨山洪暴發含山壽縣等十餘縣盡成澤國淮隄潰決秋收無望請予撥款振卹等語披覽實深憫惻著財政部迅速撥銀一萬元交由該省長遴派委員馳

往災區核實散放無任失所此令

大總統令 八月十七日

京兆尹孫振家呈考核縣知事敬舉循良卓著各員懇請明令獎勵等語大興縣知事崔麟臺躁釋矜平庶政修舉宛平縣知事湯銘鼎實心任事勞怨不辭署武清縣知事唐肯勤明幹練政績釐然通縣知事李杜勤政愛民循良之選署涿縣知事袁勵杰學識淹通才堪濟變均著傳令嘉獎交內務部查照此令

大總統令 八月十七日

茲修正陸軍刑事條例第七條公布之此令

教令第二十九號 八月十七日

修正陸軍刑事條例第七條

第七條第四款警備隊三字刪

大總統令 八月十七日

茲修正陸軍審判條例各條公布之此令

教令第三十號 八月十七日

修正陸軍審判條例各條

第四條警備隊司令官六字第六條第二款第八條第十九條第二項第二十四條第三款警備隊三字並刪

大總統令 八月十九日

令

命 令

四

任命陳士凱署陝西財政廳廳長此令

大總統令 八月二十日

據內務總長齊耀珊呈准湖北省長劉承恩電稱鄂省入夏後雷雨爲災堤垸漫潰據報成災者已有沔陽等二十五縣田廬悉成澤國人畜亦多淹斃按案請予撥款振撫等語該省被災奇重披覽殊深憫惻著財政部迅速撥銀一萬元交由該省長遴派妥員馳往災區核實散放仍由該省查察災情切籌賑濟毋任失所此令

大總統令 八月二十一日

新疆省長兼督軍楊增新電呈此次俄國舊黨不守公法糾衆竄擾阿境阿山道道尹周務學誓死報國忠憤自戕遺書有云勿毀我室勿傷我民盡責守土殺身成仁迹其臨難從容洵屬深明大義該道尹秉性肫誠堅苦卓絕歷任各道興利除弊勞怨不辭近年戡定阿山撫綏蒙哈政績尤著身後惟餘敝衣數襲殘書數卷清風亮節尤堪矜式請予從優褒卹等語該道尹捐軀報國大節凜然披覽電呈至深惋惜應卽給予治喪營葬費三千元著楊增新派員前往致祭生平事蹟宣付國史立傳并准入祀忠烈祠仍交國務院查照文官在職因公致死之例從優議卹以彰忠盡此令

大總統令 八月二十一日

安徽省長聶憲藩呈請辭職聶憲藩准免本職此令

大總統令 八月二十一日

特任李兆珍爲安徽省長此令

大總統令 八月二十六日

特任馮玉祥署陝西督軍此令

大總統令 八月二十六日

本年九月十一日爲秋丁祀孔之期著派國務總理靳雲鵬恭代行禮由內務部敬謹預備此令

大總統令 八月二十六日

任命龔積柄爲山東財政廳廳長此令

大總統令 八月二十六日

任命陶思澄署山東濟南道道尹此令

大總統令 八月二十七日

墨西哥國舉行百年共和紀念派王繼曾爲慶賀專使此令

本公署令第二十號 八月十九日

署理固安縣知事王祖仁期滿調京此令

本公署令第二十一號 八月十九日

署理良鄉縣知事劉子達調署固安縣知事此令

本公署令第二十二號 八月十九日

派京兆任用縣知事周志中署理良鄉縣知事此令

命 令

公 牘

六

本公署令第二十三號 八月十九日

派王鑄專辦門頭溝養路局事宜此令

本公署令第二十四號 八月十九日

派京兆任用縣知事郝士琳爲京兆國道第一養路局局長此令

本公署令第二十五號 八月二十九日

代理永清縣知事徐紹聘改爲署理此令

◎各部院公牘◎

平政院呈 大總統審理民人張仲權等陳訴香河縣提用水坑辦學京兆尹公署決定

違法一案依法裁決該公署之決定應予維持文（附裁決書）

爲審理行政訴訟依法裁決仰祈鑒核事竊據京兆香河縣民人張仲權等狀訴因提用水坑辦學一案京兆尹公署之決定指爲違法提起行政訴訟到院分由第一庭審理並依行政訴訟法第二十三條之規定就書狀裁決查此案據裁決書所具理由京兆尹公署之決定並無違法自應仍予維持所有審理本案各緣由理合隨同裁決書專案呈報伏祈鈞鑒訓示施行謹呈十年五月六日已奉 指令
平政院裁決書

原告

張仲權張珍張恒豐 年歲職業不一寓北京西單牌樓頭條胡同

參加人

王 泰 年七十五歲業儒寓北京廊房二條胡同

被告

京兆尹公署

右原告因香河縣提用水坑辦學對於京兆尹公署之決定指為違法提起行政訴訟經本院依法審理就書狀裁決如左

主文

京兆尹公署之決定維持之

事實

緣香河縣屬後道止務村有水坑一條向歸河南河北兩村公有河南村之王泰指為公產呈請提歸煙村小學縣知事依據民國五年京兆尹教育行政會議籌提公產成案將該坑判與煙村小學河北村民張仲權等訴願京兆尹公署於本年一月二十二日決定維持香河縣原處分該民等不服決定提起行政訴訟到院分由第一庭審查批准受理咨行京兆尹公署限期答辯並調取本案卷宗嗣據王泰聲請參加訴訟復經批准受理茲將原被告及參加人陳訴及答辯各要旨列左

原告陳訴要旨 民等住縣屬後道止務村又名河北村有水坑一條歷年公管養魚栽藕有光緒二十八年至今之賬簿即為該坑屬於民村之證據河南村民王泰指為官產香河縣知事令勸學所員王金棟查覆無

異援用京兆教育行政會議籌提公產成案以民村公有之坑指爲官產判與煙村辦學之用而民等所呈河北會修橋之石刻及歷年栽藕養魚之賬簿均置不顧等語

參加人陳訴要旨 煙墩止務村向分河南河北中隔官坑一條由兩村栽樹養魚有賬可稽民國八年民村創立國民學校經費不足於九年一月遵照京兆尹公署通令籌提各村公產辦學之議決案呈縣提用官坑藉水養魚以資補助經縣署判歸民村學校仍收伊村學童在案查此坑中泓東西橫亘於煙村止務之中間南北岸各歸栽樹且由兩村使土取魚歷經多年尙有北至河之房契存在查民村關帝廟鐘磬所鑄村名止務屯而縣志所載止務河即係所爭之坑其爲兩村公有無疑等語

被告答辯要旨 查香河縣呈復文內稱據勸學所查覆所閱河南各房契如王國瑞王現均有北至河字樣則中間之坑確屬兩村王金棟不過勸學所員之一決不能因其個人與王泰有宗族關係停止該所之職權該坑既係兩村所公有北村不報而南村遵章報明提充學款正符提用公產辦學之原案原告提出證據不過河北村歷年賣魚簿記不能以此取得所有權至捐修勒石爲自然人之糾集並不發生地界問題該縣知事以兩村所公有提充國民學校經費之用河北村之學童一律收受將來河北設立學校此坑仍由兩村使

理由

依據上述事實香河縣屬止務村水坑是否河南河北兩村所公有爲本案先決問題詳閱原告呈送各項證據其最有力者爲橋之河北會石刻不知修橋修路在法治國家本屬行政職權既由捐修實爲一種慈善事

業不生地界問題次則養魚栽藕賬冊係立於前清光緒二十八年審核參加人所呈同樣賬冊立於光緒十八年即以養魚栽藕而論原告在後當然不能取得所有權查香河縣志載有紙務河按其圖界比連紙務屯可見止務村即前之紙務屯而所爭之坑即紙務河舊址其不專屬於河北一村已可概見香河縣知事以兩村所公有提充國民學校經費辦法甚屬平允據此論斷京兆尹公署之決定並無違法應予維持茲依行政訴訟法第二十三條之規定裁決如主文

本公署公牘

呈 大總統爲籌辦京兆各項事務暨巡視各縣政治情形呈祈鈞鑒文 七月十五日

爲籌辦京兆各項事務暨巡視各縣考察政治謹將大概情形呈祈鈞鑒事竊振家恭承簡命忝領畿疆履任以來瞬經數月對於地方之整頓政務之進行勉竭駑駘時思奮迅况地居首輔樹之風聲尤當急起直追庶幾日新月異現值維新之際地方自治爲時勢所必需前奉部令設立自治講習所現經查酌京兆情形將道縣兩級合併組織期限既可縮短教授復歸一致爰於尹署東偏擇地設所由各縣選送學員額定二百名已於四月一日開學上課將來畢業回籍籌辦自治庶免人材缺乏之虞且提倡自治首以開通爲先查京兆向設有書說編纂會惟範圍僅及於通俗教育茲就該會改良編輯京兆週刊一種完全注重自治發行各縣隨在講演以期家喻戶曉其內容則政令時事暨先正規範科學叢譚等皆屬之而尤以整頓學校注意實業爲歸宿至興辦工藝最切民生京兆原有第一工廠上年因事停辦振家抵任之始即諄囑該廠長李摺榮另行組織籌發款項添建房舍現已落成於五月一日行始業禮振家巡視履勘頗爲整齊該廠附設藝徒學校延

招工師工匠共分金木工印刷織工地毯粉筆六科學徒一百人均由各縣分送每日作工八小時堂課二小時工廠料庫飯堂寢室一律清潔學徒亦循規蹈矩安靜無譁經此一番整頓氣象煥然改觀擬俟增籌有款再行酌量擴充上年北省旱災饑民來京就食所恃有各處粥廠全活甚衆現在粥廠已撤所有幼年貧兒尙無謀生能力若聽其轉徙京師恐致淪落茲擬設貧兒教養院一處專收災區兒童教以淺近書算普通工藝庶學成出院以後均可自食其力免致流而爲匪所有經費年需萬元之譜現正設法籌措一俟辦理就緒再行分別呈咨備案至於吏治之良窳地方之利弊民生之疾苦尤振家兢兢在念者也每於僚屬之接見動加詢問案牘之呈報逐細考求轄境情形略知梗概猶慮見聞不確耳目未周非詳細調查親往巡視不足以洞悉民隱二月間遴委分縣知事丁傳福等分往四路嚴密訪查又復諄諄誥誨毋等具文旋據該員等開摺呈報條分縷晰尙屬詳明證以所聞幸無軒輊茲復擇緊要地方及災賑較重之區親往巡視當於三月三十一日由火車出發隨帶員司自備食用禁止供張先赴涿縣繞至房山良鄉宛平折回京城再至大興安次武清香河三河通縣於四月十八日回署每至一縣先蒞各學校實地考察再至商會諮詢商業情形農會及農林局苗圃試驗場查詢地質宜於何種植物本地有何特產點驗警察是否精壯蒞觀粥廠如何散放其監押處所均係親自往驗應如何改良及有無凌虐情弊每至各校對於學生剴切演講勸以修身勵學之道勉爲國家有用之材其應待研究進行者亦與縣知事暨學務各員切實籌商一致督促惟查各縣小學校教員程度至屬不齊爰令各縣續辦小學教員講習所造就師資以備推廣義務教育之用一面并令確定辦學基金寬籌補助各費劃一男女各校應用之課本并飭一律添設半日學校以惠貧民子弟大興宛平涿縣良鄉房

山等處屢次舉行觀摩會香河縣上年假期曾設教授講習會觀感兢爭獲益非淺茲飭未辦各縣查照仿行統觀各縣學校以大興武清通縣爲最優而尤以武清縣之河西塢高小國民學校通縣之女學成績尤爲良好其餘亦皆秩序整齊教授合法學生均各專心嚮學不染囂張之習校風淳良有足多者各縣民生彫敝工商不振商家當上年兵燹之役又值亢旱之災營業大受影響工業則苦於資本無多農業則失水利不講是以恆暘恆雨咸有怨咨已飭各知事督率村正副等各就地勢疏濬溝渠開鑿水井以人工之勤勞爲地利之補助庶幾偏災可免收穫漸多他若宛平房山之煤炭香河平谷之棉花昌平之氈毯通縣之陶器密懷宜菓補劑寶多紡織武清之創辦森林安永之編製麥草均爲大宗出品隨在足以資生並擬分飭廣爲勸導以冀逐漸發達各屬自上年飭辦清鄉之後戶口一概查清城關集鎮均有警察又有警備隊協同防守四鄉保衛團早經成立惟團丁未能以時訓練殊嫌缺略近則飭令各縣加意整頓挑選常備團丁概以年力精壯者爲合格隨再調集操練俾防奸捕盜足以補警力所不逮至各該縣警佐雖辦事能力各有優絀但對於緝捕皆奮勉是以地方悉臻安謐各縣詞訟案件刑事民事隨時判決經詳細考查均與月報相符尙無積壓情事其監押人犯處所均經親加閱看並無凌虐需索之弊其獄舍亦均勤加灑掃不致污穢惟低潮黑暗在所不免現准京師高等檢察廳咨商擬於京兆第一第二監獄以外再籌設第三新監以便收容惟經費支絀刻正設法籌辦以期早日觀成再各縣所設粥廠貧民就食多者千餘人少者七八百人每日辰刻施粥一次其有婦女收容所難民棲留所者每日辰酉施粥兩次粥尙濃厚堪以果腹涿縣城內同濟善堂粥廠係縣紳馮學彰集資倡辦糾合同志分道募捐由張家口購糧運回每日煮放熱心善舉殊堪嘉尙已由振家優加獎勵並

捐款百元以資贊助察看各屬災民情形極為可憫雖已頒發賑款究屬杯水車薪現幸迭次得雨農田均已
露足秋收有望人心漸安房山縣西北鄉地瘠民貧受災尤重檢查災民食品係槐實蒲根楊花加以糶糠等
項情形可稱極苦查該縣貧民生計大致可分為二種一煤礦工作一石灰窰工作前因石灰由火車裝載運
價較昂不免停頓經振家與交通部一再商洽始准核減生計當可維持仍飭該知事會商區董籌設平糶因
利兩局尅期舉辦俾資接濟其餘被災各處民食雖艱尙未致若斯之甚振家每到一處宣布德意慰問疾苦
而該人民等亦均感戴仁風相安耕鑿此巡視各縣考察之大概情形也竊維治安之道以吏事為始基力行
何如古有明訓道齊不專在政刑催科每後於撫字縱未能求全責備亦先須正本清源此次巡察所及各該
知事類皆廉隅自矢匪勉圖功才具或有等差操守尙皆可信仍由振家隨時督飭指導以期勉為循良藉副
我 大總統察吏安民之至意所有巡察各縣大概情形除呈報國務院內務部外理合呈請 大總統
鑒核訓示祇遵謹呈十年七月十五日已奉 指令

訓令

二十縣知事
直轄各學校

准教育部咨北京體育學校第一班生畢業請飭各校聘用合行印發原

單令仰查照文

八月三日

案准教育部咨開據北京體育學校呈稱本校第一班學生係於八年暑假後由鈞部通行各省保送入校肄
業現在二年修業期滿舉行畢業試驗業經另文呈報鈞部在案查本校以養成體操武術教員為宗旨簡章
內載畢業生得充中小學校及師範學校教員該畢業生等所修科目成績均尙可觀理合開列名單呈請鈞
部通行各省省長及教育廳轉飭各學校儘先聘用藉資服務等情據此相應抄錄該校畢業生名單咨請查

京 光 公 報

照辦理可也等因准此並附畢業學生名單到署合行印發原單令仰該校轉令所屬各校查照聘用此令

附畢業學生名單

北京體育學校第一班畢業學生名單

姓名	年 歲	籍 貫	原畢業學校
李炳垣	二十五	廣西蒼梧	廣西省立第一師範學校畢業
譚偉英	二十四	廣西蒼梧	廣西省立第一師範學校畢業
黃 憲	二十三	湖南長沙	長沙縣立師範學校畢業
易 鑫	二十七	廣西靈川	江蘇高等墾植學校畢業
陳寶箴	二十五	廣西蒼梧	廣西省立第一師範學校畢業
李義成	二十五	雲南蒙自	雲南師範第一部畢業
胡濟美	二十六	江西南昌	體育講習所第二班畢業
王文周	二十五	廣西邕寧	廣西省立第三師範學校畢業
魏漢偉	二十五	江西南昌	體育講習所第二班畢業
顧 濤	二十九	甘肅武威	甘肅第二師範學校畢業
孫廣信	二十六	奉天遼中	奉天第一中學畢業
魏經元	二十五	奉天遼中	奉天遼中師範學校畢業
王卓羣	二十四	河南宜陽	河南省立第四師範學校畢業

公 續

十三

劉振翻 二十四 奉天遼中 奉天遼中師範學校畢業

李翔鸞 二十五 湖北襄陽 湖北省立第二師範學校畢業

劉聖傳 二十六 湖北宜都 湖北省立第三師範學校畢業

林 潭 二十六 江西玉山 江西玉山縣立懷玉中學畢業

袁遠懷 二十四 湖北天門 湖北省立第二師範學校畢業

訓令第二中學校據視學員張鶴浦報告查視該校情形鈔發報告令仰遵照認真整頓文

八月二日

案據視學員張鶴浦查視該校情形報告到署詳加察核該校職教員等或任事實心或教授合法均堪嘉尚惟內容尙應整頓之處甚多合行鈔發報告令仰該校長即便商同學監教員等認真管教俾收進行之效仍將遵辦情形於本年暑假開學後專案呈覆察核此令

訓令本公署模範小學校據視學員張鶴浦報告查視該校情形鈔發報告令仰遵照認真

整頓文 八月二日

案據視學員張鶴浦查視該校情形報告到署查該校設置署內其管理訓練及一切設備應爲各縣之冠方不負模範名稱茲據報告前情該校長管訓盡心設備粗具尙堪嘉許但內容尙有欠缺注意之點亟應查照報告指陳各節認真整頓俾收名實相副之效合行鈔發報告令仰該校長即便遵照切實辦理仍將遵辦情形專案呈覆以憑察核切切此令

訓令本公署模範女學校據視學員張鶴浦報告查視該校情形鈔發報告令仰遵照認真整頓文 八月二日

案據視學員張鶴浦查視該校情形報告到署查該校為女學模範設備編制應為各縣之冠乃能名實相副茲據報告內稱該校長作事勤懇成績亦有可觀教員沈仁同任職三年頗稱得力劉令媛教授有法杜畧在職勤勞均堪嘉許其他尙欠缺注意之點亟應查照報告指陳各節認真整頓以收實效合行鈔發報告令仰該校長即便切實遵照辦理仍將遵辦情形隨時呈覆察核此令

訓令 二十縣知事 前准教育部咨捐贊興學褒獎條例原為熱心教育者而設合將續編統計表令發以樹風聲而資觀感文 八月五日

案查前准教育部咨重修捐贊興學褒獎條例原為鼓勵熱心教育毅力興學者而設歷經本公署查照辦理在案值茲振興義務教育之際尤應力予提倡以利進行除飭 京兆視學員切實調查隨時勸辦 外合將自民國九年一月起至十二月止經本公署核准發給褒章各案續編統計表令發該 縣即便照式印刷分布各校及自治區張貼 以樹風聲而資觀感此令

附原表

京兆捐贊興學給獎年月等第表 民國十年八月造

姓名籍貫褒章等第給獎年月事

公牘

十五

郭福祥	直隸天津	銀色三等	民國九年一月	曾捐入宛平縣長辛店工業國民學校經費洋一百一十元	
趙連貴	直隸文安	前全	前全	前	
李占昆	武	清全	前全	前曾捐入武清縣修家庄國民學校經費洋一百二十元	
任作驥	武	清銀色二等	九年二月	曾捐入武清縣北王平村國民學校經費洋三百三十元	
靳紹良	武	清銀色一等	前	曾捐入武清縣東陳庄國民學校經費洋五百八十四元八角	
張烈永	永	清銀色二等	九年三月	曾捐入霸永信安鎮第一國民學校經費洋三百六十元	
姜續符	昌	平銀色一等	前	曾捐入昌平縣商會公立國民學校基本金洋六百元	
李蔭森	薊	縣全	前	九年四月	曾捐入薊縣張仙庄女子國民學校經費洋六百元
卜大都	薊	縣銀色二等	前	曾捐入薊縣板橋庄國民學校經費洋三百八十二元	
葉之潤	薊	縣全	前	曾捐入薊縣三間房國民學校經費洋三百元	
金文紀	宛	平銀色一等	前	曾捐入京兆私立國民學校經費洋五百一十元	
于俊培	寶	坻銀色三等	前	前全前一百零八元	
趙希賢	武	清全	前全	前	
劉紫光	大	興全	前全	前	
傅奎剛	大	興全	前全	前	
張鹿賓	永	清銀色二等	九年五月	曾捐入永清縣石甄各莊國民學校經費洋三百元	

京 兆 公 報

陳福蔭香 河銀色一等 九年六月 曾捐入香河縣立女子國民學校經費洋九百六十元

徐樹芬香 河銀色一等全 前曾捐入香河縣第一區女子國民學校經費洋六百元

孔訓縉密 雲銀色三等 九年八月 曾捐入密雲縣龍灣屯國民學校地畝約合洋二百十元

胡本虞密 雲全 前全 前全前

侯學海宛 平銀色一等 九年十二月 曾捐入宛平縣三家店國民學校開辦費洋五百五十二元

尹天楨宛 平全 前全 前全前五百三十九元

劉懷金宛 平銀色二等全 前全前三百六十元

殷文輝宛 平全 前全 前曾捐入宛平縣長辛店國民學校經費洋三百一十元

鄧長榮宛 平全 前全 前曾捐入宛平縣長辛店小學經費洋一百四十四元

張劉氏宛 平全 前全 前曾捐入宛平縣南各庄私立國民學校經費洋四百零四元

劉元紳宛 平銀色三等全 前曾捐入宛平縣長辛店工界國民學校經費洋一百四十四元

劉鴻遠宛 平全 前全 前曾捐入宛平縣新立村高小學校基本金洋一百二十元

帥永祥永 清全 前全 前曾捐入永清縣查馬房村國民學校經費洋一百元

吳廷勳永 清全 前全 前曾捐入永清縣趙家樓國民學校經費洋二百三十八元

批永清團總劉維楨等呈校長劉漢川侵蝕公款請飭澈查文 七月二十五日

呈悉據稱縣署令發清單多有冒報侵蝕等情劉漢川果有侵蝕實據應即在縣署呈訴所請令縣之處應無

庸議此批

批武清僧人理空呈爲知事侵佔廟產請撤銷布告文 七月二十五日

呈悉查李樹等派捐該僧何以不赴縣呈訴乃竟避往西山於拐去陳國氏一案又顯有不敢到案之意則武清縣之布告所謂畏罪遠颺撤革住持似非無因如該僧果有冤抑卽應依法赴縣署呈訴請求訊判率請撤銷縣署布告未便照准此批

批寶坻村長李德存等呈爲向修之隄曹縣長翻改判決等情文 七月二十九日

呈悉該訴願已逾限期照章不應受理惟修防要務未便任其長此相持已鈔呈令縣徵取辯明書並關連卷證呈候本公署決定在未決定以前該前曹知事之處分仍不失其效力仰卽知照此批

批順義人維成儒呈爲勾串合謀自立文約請提卷究辦文 七月三十日

呈悉此案現據該縣呈覆已准京師地方審判廳判決確定駁回抗告等情覆核該民所訴各節亦均係司法範圍本公署碍難再予受理仰卽知照此批

批三河人于安呈爲知事玩視人命縱兇不緝懇究辦文 七月三十日

呈悉前已據情令行該縣認真嚴緝案內兇犯務獲究辦在案據呈前情除再令催該縣勒限嚴緝外仰卽知照此批

批武清人陳王氏呈爲在縣訴子姦媳害孫反被收押懇飭開釋將逆子陳起海依法訊判

文 七月三十日

呈悉查此案原委業據該縣呈報有案仰即靜候縣署依法處斷毋得聽人唆使來署妄訴此批

批蘄縣人田永隆呈爲長子慶豐被陳郡等設局誘賂逼盜賣養贖地畝赴縣狀訴不予

受理請飭縣依法審理附件文 七月三十日

呈悉已據情令縣查明呈覆核辦仰即知照此批

批李培因等呈爲組織植棉公會請立案文 八月四日

呈及章程會員錄職員錄均悉既據聲稱業經整理棉業籌備處核准立案應俟該處轉咨到署再行核辦會章等件存此批

批徐義臣呈爲試辦勝津汽車納捐懇備案文 八月四日

呈悉查此案前准直隸省長咨行前來業經令行霸縣武清安次各縣查明有無窒碍在案茲據前情仰候各該縣查復到署再行核辦可也圖存此批

批德全呈出售圈地先儘原佃出買乞批示文 八月三日

據呈已悉查修正直省旗圈售租章程第四條旗圈售租以原佃留買爲原則如原佃不願留買時准租主照第三條所指定價格指租借債但息率以原有租額爲限等語該宗室分授圈地既願出售即可按照該章程第四條辦理仰即知照圖冊存此批

批房山徐尙氏呈爲氏子被沙大狗兒等挾嫌致害身死一案本縣不傳氏應訊只傳沙大

狗兒等一千人証任伊等支吾搪塞究何能伸乞嚴傳全案人証對審文 八月六日

呈悉此案現據該縣呈稱徐王喜兒死後一月始據該氏到縣控訴天時炎暑屍身潰爛難憑驗究且該氏既非目覩又難指寔証據殊難憑斷顯係被人唆使藉屍訛賴故批駁不予受理等情據此該氏如果有確實証據仍應具狀縣署請爲適法之裁判倘對於縣署批諭或處分仍有不服依縣知事審理訴訟章程亦應於法定期間內第二審審判衙門聲明抗告毋得來署妄瀆徒自取累切切此批

批固安石毓瑛呈爲趙國良等積穀舞弊一案請仍照前批及內務部令認真辦理並核示

文 八月六日

呈悉既據遲呈 內務部請願仰卽靜候部批可也此批

批霸縣人楊裕榮等呈習藝所糜欸害民再請取消文 八月八日

呈悉查此案前已明白批示仍仰遵照前批辦理毋瀆此批

批奕紹敏等呈設立同善分社請立案文 八月八日

據呈報設立大興同善分社成立日期地址及簡章均悉應准備案仍仰分報京師警察廳考核批示此批

批溥楊氏呈售地補納錢糧請令縣追究各佃交納文 八月八日

呈悉查糧賦攸關國課該氏名下欠完糧銀若干未據聲明無憑察核姑候令行武清縣知事查明辦理仰卽

知照此批

批房山西北區學友會馬鎮疆等呈請嚴飭高線鐵路公司速發地方津貼文 八月九日

呈悉查此案前經令行房山縣持平辦理在案據呈同前情仰候令縣併案辦理可也此批

批通縣人劉景春呈爲不服通縣裁決與王繼勛會款糾葛一案請迅提裁決文 八月十日

呈悉此案既據通縣知事來呈請示已指令迅予依法添附辯明書呈候本公署決定矣仰即知照此批

批通縣張玉寶等呈爲邢各庄村長王繼勳冒征會款由劉景春等暨民等起訴取銷通縣

不理懇恩准參加訴願以甦民困文 八月十日

呈悉已於劉景春呈內明白批示矣此批

批通縣代表武樹棠呈爲修路佔用民地請照武清地價給發文 八月十二日

呈悉查此案係王前任經手辦理仰候咨行核辦可也此批

批霸縣人郭雲卿等呈爲縣承審員不究賈醴泉誣控反令擔負訟費請飭秉公訊結文

八月十三日

呈悉既據呈稱案經縣署判決該民如有不服應即依法上訴所請飭縣再審一節事隸司法範圍本公署礙難照准此批

批道人李禮明呈爲前訴韓得舉等霸佔廟產山場播種烟苗案請提訊究辦文 八月十三日

附 錄

二十一

呈悉查此案尙未據宛平縣呈復前來候再據情令催該縣迅速呈復再行核辦此批

批寶坻韓深漢等呈勸學所長張丹忱劣迹多端請飭改選文 八月十五日

呈悉據呈勸學所長張丹忱溺職各節前諭以言呈訴到署已行縣據復查無實據指令免予置議在案至所長任滿應否連任照章應由縣考核所長任內成績呈請本公署核辦在民等不得越權干涉此批

批永清人高志學等呈村長馬振襄假學吞款控縣不批請派員審究文 八月十五日

呈悉據稱馬振襄侵吞公款縣署已飭勸學所查明呈復在案該民等即應靜候縣署處分所請派員調查之處應無庸議此批

批高雲程等呈請領平谷白淺荒山請批示文 八月十九日

呈悉此案尙未據平谷縣知事查復仰候令催迅速查明具復以憑核辦此批

批周景明呈爲地基糾葛與周景太涉訟一案知事盡縣害民捏報不寔再請派查維持確

定之案文 八月二十日

呈悉此案復經令行該縣詳細查復據稱周景明迭次具控以過道通行田車爲目的檢查該民所呈契據載明過道通南一語並無通行車輛字樣按順屬習慣凡契載過道均以五尺至八尺爲度如契載車道則以一丈至一丈五尺爲慣例是該民應享通行權利謹限於過道丈尺而止自難與行車大道相比例况周景太籬外過道寬八尺五寸凡豆糧運轉均可通行無阻至周景太道西土坡已於判決確定後飭警照判執行在

案等情前來查該民契據既未載明行車字樣依照順屬習慣不能強他人履行無義務之行爲况所爭過道車輛本可通行土坡亦經撤去何得再行妄肆要求自滋訟累卽喫違疊次批示迅行回籍安度毋再違瀆致干未便此批

批衆議院議員王廣瑞呈爲香河縣陳知事賴債抗不履行蒙批後僅交洋一百元請飭令扣其薪俸照判履行文 八月二十日

呈悉前據該員呈控到署已據情令飭該知事照判履行在案來呈所請扣俸一節於法定程序未合應毋庸議此批

批霸縣李倫呈爲長子雲根被殺身死一案懇飭縣速判捕逃文 八月二十日
呈悉候再據情令縣迅予依法審判並嚴緝逃犯歸案訊辦此批

批香河人石玉瑞呈爲前控黃瑞春等用刀扎傷民兄石玉斌搶去洋元一案現該黨羽在封將民兄用私刑週身受傷民父進城鳴冤又控拉香邑南門外用手槍逼赫請提案懲

究文 八月二十日

呈悉仰候據情再令行該縣迅予依法判決此批

批陳聖堂 劉俊堂 等呈訴夏俊臣馮藍等勾串霸佔鑛產請飭縣傳究文 八月二十日

據呈已悉仰候令行房山縣查明核辦該具呈人應卽逕赴該縣公署候訊可也此批

公 牘

二 十 四

批三河人報聘之呈爲縣知事貪贓枉法懸案不清請限日迅予結案文 八月二十日
查來呈係由郵局遞呈並無鋪保水印照章不予受理此批